

0 10 20 30 40 50 60 70 80 90 100 110 120 130 140 150 160

Inches

Centimetres

趙州志

22-6213
4932.0732

11

Kodak Color Control Patches

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

1

2

3

4

5

6

7

8

9

10

Blue

Cyan

Green

Yellow

Red

Magenta

White

光緒丁酉重修

趙州志

板存州署

重修趙州志序

郡有專志始於宋而冀域

諸郡其志多域於宋後蓋

誌其事所以為出治之原又

况存文獻示勸懲上備輶軒

之採下為考鏡之資皆於

志是賴乎趙郡古棘蒲地
稱雄河朔星軺羽檄旁午
衝途而山川所鍾毓名賢
輩出國士挺生澤唐以來
史不絕書至我

朝以畿輔近地震濡

聖化尤渥風氣人文蒸蒸日上惟
郡志纂述失時康熙間郡
守祝公重修後已二百餘年
閱時既久搜訪倍難而舊
志殘缺因循失墜迨後人
則尤難也曩者孟柳橋別

趙州志
駕博學能文銳志纂修
稿具大半未及竟而卒
迄今又歷二紀此稿亦將
散佚矣歲在甲午傳棧承
乏此郡詢之慨然即有志
續纂亟求孟稿付之鈔胥

顧念趙自經兵燹後衙署無
存僦屋治事不可為常爰商
諸僚佐紳耆申請 大憲
先建衙署越一載餘修築
完具迺從事於斯役遂
進郡紳文學闡館簪筆

趙州志
出孟稿相示俾與舊志參
酌缺者補之繁者芟之訛
者訂之歧異者攷核之復
廣為採訪續加編輯自奉
年二月開局至歲杪歲事
為卷五十六附以屬邑八

卷綱舉目張條分縷析體
例遵舊志畧加變通紀述
踵孟稿詳為補葺庶幾
信今而傳後標往而鏡來
雖不敢謂燦然明備而於
國典政事之大民物土

趙州志
四
之宜亦未必無小補焉此
則二百餘年缺修之舉
不敢迂視緩圖再貽後人
以難而亟之為之纂輯此也
是為序

嘗

光緒二十有三年歲次丁酉冬
十二月

欽加三品銜知趙州直隸州事
淮南孫傳祜撰



舊志蔡序

趙於古爲列國處燕齊韓魏之間謀臣良將車賦材官實相雄長歷代侯王起事建功並馳爭逐故遺風往蹟多有存者惜興廢無時宋元以上載籍不可復覩矣宏治癸丑前知州事張清嘗彙編之而不及六邑正德初知州程遵乃以六邑事總編之而各爲一卷雖繁簡不同要皆有志好古者也今相去六十餘年使無以續述則懼時事之或泯也昭不自揣每於政暇漸次採輯更得柏鄉馮子時化魏子謙攜以其所藏集來相質正遂合六邑會約成書爲目凡七爲卷凡十庶幾少繼張程二公之志以存古之懿

范云爾隆慶元年冬十一月朔雲間蔡懋昭識

祝序

古自典墳以來卽備九邱之文禹貢周官載壤賦物產戶口山川甚詳蕭鄴侯從漢高入咸陽收秦府庫圖籍具知天下阨塞戶口多寡之數班史以後各有輿圖志迨明有一統志統貫遠邇包舉政教通志之作由來久矣社自今上御極三年蒙

恩寵先蔭謬領大郡涖官之始如入晦室思有關政教風紀者宜莫如志取州志讀之自明隆慶以來上下幾百年闕焉未備思欲補訂殘缺修明故典以佐

聖天子文治之盛第自慙謏陋且簿書鞅掌日督耕課稼

於棘山洩水間有志未逮

皇上納閣臣言

詔修大清一統志直省郡邑各選名儒耆舊纂輯成書雖一時之盛舉實千秋之憲典也社不禁拜手颺言曰是固聖天子文治之盛矣復恐謏陋之質不足成全書因訪州廣文闈進士王及州諸紳士同志者共襄厥事設局具供無間朝昏自壬子秋杪至癸丑夏初六越月而始脫草如畫界以明提封則疆圉山川險易必詳也營建以表國體則官舍學校興革必紀也田賦以養民生則戶口必清賦調必釐也祠祀以敬鬼神則正祀必登淫祀必汰也至官

師膺教養之任而非如唐韋景駿明何濬功德及民者不以錄矣人物寓彰瘴之權而非如廉藺荀毛風節遐舉者不以彰矣若夫風俗關禮教而時奢時儉之必察藝文徵事實而爲古爲今之必備雜考備徵據而片言細行之必收屬邑寓統轄而官師人物之必載爲綱者十爲目者五十有二在前朝者或博覽古籍或採取泐石正誤辨僞其難其慎已在近代者或薦紳先生之公議或田夫牧豎之傳聞有疑必闕凡確務揚不敢過爲誇詡亦不敢輕爲淹沒令觀者可感可興可歌可泣於以興政教而厚風俗未必無小補耳如謂修補殘缺粲然明備以佐

趙州志 卷之三
聖天子文治之盛仍謙讓未遑也

康熙十有二年歲在癸丑四月知趙州事營州祝萬祉序

閭序

王子春杪 州守祝遵修通志之

旨修趙志越癸丑夏初志成趙於是乎有志前此趙無志乎明隆慶以前有志隆慶以後無志也夫志則何可無耶禹貢一書爲志權輿後有作者周禮之職方漢史之地里志是也後代因之若郡若邑皆有紀載命之曰志然則志也者詎止絢華鏤彩以爲具文已乎良以憲古準今宜民敷治政事之因革利害之興除皆於志是賴昔人謂志爲經之裔而史之翼以其所關者重也今也取百年之廢墜而興舉於一旦其間疆域之沿革風俗之純澆田賦戶口

之益損官師人物之繼起藝文雜考之續增屬邑雖仍舊而汰乎繁以就簡祠祀以敬神而黜其淫以崇正一開卷而粲然明備皎若列眉無復致嘆於殘闕譌謬也者煌煌乎鉅典也哉然非州守祝公不以旦夕擢去爲意而毅然成此抑非郡紳王公不以需次待銓爲意而相與毅然詔修通志之時將奚所採擇以襄

聖朝之文治歟是趙志之成不第有功於一時有功於一方已也齡固陋亦惟二三士子共矢公慎之心間有稽核參訂焉殊以未贊一詞是愧復承徵序不敢以不文辭而質言之如此顧此不文之言而附志以傳則又滋愧矣

崑

康熙十二年歲次癸丑夏四月之望署趙州學正舉人閻

永齡撰

王序

郡邑之有志猶列國之有史也考古鏡今有所慕而爲之有所懼而不爲人心勵而風俗純所關不綦重歟趙自國朝定鼎三十年來政教風俗大復古制蓋在

畿輔內漸摩於治化者素矣使郡乘未備文獻無徵曷以彰往詔來俾人勸興懲戒孜孜然勇於爲善而無爲不善哉考稽郡乘始明宏治中知州張公迨正德初知州程公隆慶初知州蔡公相繼修輯自是之後上下百餘年無續補者

國初學博李公京毅然具釐定志懿與來安令楊子崇昌

柳城令翟子廉方諸生時分曹類纂成十之二李尋遷去
藁亦散逸無復存已今

聖天子雅意右文

詔修一統鴻書令直省郡邑各修通志以備採錄誠曠典
也當事者知懿嘗從事因命纂修竊思史有三長有五難
百年內政事之因革人物之賢否以至戶口田賦藝文一
一徵文考獻準諸史筆勒成全書加以姿賦媿陋良屬不
易然學者謂世以代殊政由俗革前代之舊籍既失

本朝之成憲不彰使典章文物漸滅無餘雖長吏之責亦
非所望於學士大夫也不得已勉事鉛槧矢公矢慎日與

郡守祝公 學博閻公搜遺編咨掌故每遇疑義輒相發

明或有闕畧共爲考鏡猶子基宏亦操觚珥筆編摩校讐
相與補殘缺除煩冗可者因之否者革之而且不敢摘人
之瑕不敢市己之恩有善可取者雖小必備有疑宜闕者
雖大不登甯失之嚴勿失之濫期有關風俗有裨政教有
當人心使勸善懲惡勃然興起者此物此志耳是編也凡
拮据越數月自冬抵夏乃克脫藁亦庶幾少孫補綴之遺
若曰取百年之政事而進退之取百年之人物而臧否之
取百年之戶口田賦藝文之屬而修明之以自附於作者
之林而上擬於張程蔡三君子則又豈敢

康熙十二年歲在癸丑四月望日
賜同進士出身郡人王懿撰

趙州志原修姓氏

明

宏治六年癸丑創修

趙州知州

張清
婺源人

正德初年重修

趙州知州

程遵
蘇州人

隆慶元年丁卯重修

趙州知州

蔡懋昭
上海人

國朝

康熙十二年癸丑重修

趙州知州

祝萬祉 遼東人

署趙州學正

閻永齡 滑縣人

進士

王懿 郡人

生員

王基宏 郡人

直隸趙州志重修姓氏 光緒丁酉年

總纂

趙州直隸州知

州孫傳斌

提調

即用知縣前署安平縣知縣己丑科進士陳慶彬

參閱

趙州

州

判吳作舟

儒學

學

正聯 啟

訓

導馬志侃

現任山西河津縣知縣甲戌科進士郡人張駒賢

校梓

趙州

吏

目陳瑛

分纂

以下俱本州人

甲子科舉人奉天康平縣訓

導王景美

乙酉科舉人候選教

諭李景侗

丁卯科舉

人張昆

歲貢生候選訓

導邢聚星

生員趙熾

校對

乙酉科拔貢候選復設教 諭李元凱

丁酉科拔貢生卜麟祥

經理局務兼收掌

乙亥科武舉兵部差官都守兼用 牛斌魁

鴻臚寺序班文生 朱錦雲

採訪

廩貢生前清苑縣訓 導卜經邦

乙酉科副榜候選訓 導李慶宇

歲貢生候選訓 導王官慶

恩貢生候選教 諭蘇彬

歲貢 貢生魏鳳文

生

員翟潤之

生

員趙如琛

五

品

銜

附

貢

生孟春華

廩

生李林瑞

廩

生邢桂星

廩

生宋國彥

廩

生張昶齡

廩

生王裕德

廩

生趙鑑衡

生

員張松齡

生

員張如鑑

生

員梁學易

廩

生于朝漢

生

員賈榮蔭

生

員李漢霄

生

員亢得温

生

員李恆泰

生

員李榮光

廩

生柳琳

生

員鄭治平

生

員鄭毓瑛

膳錄

生

員張鳳鳴

生

員屈同順

生

員朱振鐸

生

員李成春

繪事

九

品

銜趙鵬翎

石生輝

凡例 光緒丁酉重訂

一舊志修於康熙癸丑同治間別駕孟公重修未竟輿

地內僅有星野沿革疆域建置官師人物稿具大半

茲謹按書傳參訂增補及近日採訪踵其遺稿纂輯

成編 孟公名傳鑄山東章邱人

一州縣彙編不便披覽今倣舊志專輯本州屬邑別為

一編既存統轄之體亦便披覽之目

一綱以統目不宜繁瑣今定為六綱目亦從簡凡寥寥

數行不成卷帙者悉以類附庶有條不紊瞭如指掌

一舊志為綱者十田賦風俗雜考屬邑皆為一綱今將

田賦風俗入輿地內雜考編置卷末屬邑另編俱變舊志之例

一綱目立序所以揭明其指也舊志綱有序目無序今綱序及田賦風俗雜考皆用舊志山川用舊志形勝論星野沿革疆域名宦職官名臣仕蹟武功忠烈孝義文苑方技諸目序皆係孟稿畧有刪訂其餘依類增補間有大指已見綱序無庸再述者不復序

一輿地沿革兼載屬邑蓋合五邑之疆域始盡趙地之封界

一山川一門河道悉接近日形勢詳加考證

一田賦關國計民生不宜簡畧今遵賦役全書及通志所載詳註起運存留之數

一風俗儀節今昔不同畧爲增減以俟考訂物產凡常產必書以寓擗節物力之義

一舊志祥異內不載兵變今輯爲兵事紀畧附錄於後較爲完備

一建置非關政治概不宜載至寺觀偶書因歷時久遠賢人君子登眺之所或亦考古者所不廢耳

一祠祀所載趙人不矜文飾名宦鄉賢寥寥其人凡公議申請者考其功德確然足據實關千秋廟祀非供

一時揄揚

一官師人物遵舊志做史記年表例書名於前列傳於後新續諸賢各據其行事書其大節不敢過爲冗長致失郡志體裁

一舊志統言人物茲分爲八目各弁名賢以著例以作後人楷模

一生者不立傳蓋棺論定之義節婦年分合例應旌者不在此例

一古今藝文有關名賢事蹟碑記有關營建政事者皆詳載以備參考若文廟及各廟祀之屬因事類編不

拘年代以其便於披閱也寺觀碑碣開登一二登臨題詠摘錄數章以當採風然非有關郡事者亦不敢輕入

一舊志皆係鈔本藝文中多訛字今特詳加考訂然遇難解處不敢臆改殘缺處尤不敢妄補概從闕疑識者諒之

趙州沿革表

漢

前漢常山鉅鹿二郡後漢常山國地

平棘縣屬常山郡

封斯縣前漢屬常山郡後漢省

宋子縣前漢屬鉅鹿郡後漢省

敬武縣前漢屬鉅鹿郡後漢省

三國平棘縣

魏

趙國地平棘縣

北魏

趙郡治平棘屬殷州時州治廣阿北齊改趙州在今隆平

平棘縣

宋子縣永安二年復置仍屬鉅鹿郡北

北齊

齊廢

後周

隋

趙郡開皇初郡廢改藥州大業初復為郡

平棘縣郡治開皇初復置宋子縣大業初省入

趙州志

卷

表

唐 趙州 武德初復為州治柏鄉四年遷治平棘五年改曰欒州貞觀初復故屬河北道 平棘縣 州治

五代 趙州 平棘縣

宋 慶源府 初亦曰趙州崇寧四年賜號慶源軍節度宣和元年升府屬河北西路 平棘縣 府治

金 沃州 天德三年改名亦曰趙郡軍 平棘縣 州治

元 趙州 屬真定路 平棘縣 州治

明 趙州 屬真定府

謹案敬武縣孟稿沿革內不載通志謂敬武故城在州東北列入圖表引水經注鉅鹿之屬縣也漢元帝封女敬武公主為湯沐邑又引闕駟十三州記楊氏縣北四十里有武亭故縣也今其城實中小邑耳故俗名曰敬武壘據此似在今州境內存之俟考

趙州屬邑沿革表

柏鄉縣 隆平縣 高邑縣 臨城縣 甯晉縣

漢 柏鄉侯國 廣阿縣 房子縣

前漢屬鉅鹿郡 前漢置屬鉅鹿屬常山郡 後漢省 郡後漢省

郃縣 象氏縣 楊氏縣

本春秋晉郃邑 前漢屬鉅鹿郡 地前漢置縣屬後漢省 常山郡後漢更名曰高邑為冀州治省柏鄉縣入之

三國 高邑縣 房子縣

魏 屬趙國 鉅鹿國 慶陶縣

晉 高邑縣
屬趙國

趙國
治房子為冀州刺史理所

慶陶縣
鉅鹿國治省楊氏縣入焉

北魏 高邑縣

南趙郡

房子縣
國治

鉅鹿郡

北齊
後魏屬趙郡北齊天保六年徙

年置南鉅鹿郡縣屬趙郡北齊尋改名孝昌二天保七年廢房年兼置殷州治子改置高邑仍廣阿縣北齊天屬趙郡保二年改曰趙州七年州廢

慶遙縣
後魏徙治慶遙縣北齊郡廢

後周

慶陶縣
後魏永安二年置治楊氏故城

廣阿縣

慶陶縣
後魏屬鉅鹿郡北齊省入慶遙

後魏太和十三年復置州郡治北齊郡治

隋

柏鄉縣

大陸縣

高邑縣

房子縣

慶陶縣

開皇十六年復開皇初廢南趙郡十六年置樂初屬趙郡趙郡

初屬樂州大業開皇六年置屬趙郡

開皇六年改慶陶屬趙郡

州為州治仁壽初改廣阿為象城大業初州廢又改縣曰大陸屬趙郡

唐

柏鄉縣

昭慶縣

高邑縣

臨城縣

甯晉縣

武德初為趙州竇建德劉黑闥屬趙州治四年趙州徙皆置樂州武德治平棘縣屬之五年廢復改大陸曰象城屬趙

屬趙州天寶元年天寶元年改名年改隋房子縣屬趙州為臨城天祐二年朱全忠復改

五代柏鄉縣

州天寶初又改名昭慶

昭慶縣

高邑縣

臨城縣

後唐復改房子屬趙州為臨城縣

甯晉縣

曰房子

宋

柏鄉縣

熙甯五年省為開寶二年改昭屬慶源府鎮元祐初復置慶為隆平熙甯六年省元祐初復置大觀二年遷於高地仍屬慶源府

隆平縣

高邑縣

臨城縣

屬慶源府

甯晉縣

屬慶源府

金

柏鄉縣

屬沃州

隆平縣

屬沃州

高邑縣

屬沃州

臨城縣

屬沃州

甯晉縣

屬沃州

元

柏鄉縣

隆平縣

高邑縣

臨城縣

甯晉縣

明

柏鄉縣

屬趙州

隆平縣

洪武初省入柏鄉屬趙州鄉縣十三年復置仍屬趙州

高邑縣

屬趙州

臨城縣

屬趙州

甯晉縣

屬趙州

屬趙州

屬趙州

屬趙州

屬趙州

屬趙州

直隸趙州志目錄

序 歷修姓氏 凡例 圖表

卷首

宸章

卷一 輿地志

星野

沿革

屬邑附

疆域

里社附

山川

橋梁附

古蹟

墓域附

卷二 輿地志

田賦

鹽政附

風俗

物產

祥異

兵事附

卷三 建置志

城池

官署

學校

壇廟

倉廩

驛遞

卷四 祠祀志

壇壝

文廟

廟祀

卷五 官師志

封爵

官師表

卷六 官師志

名宦

職官

卷七 人物志

人物表

科目表

卷八 人物志

名臣

卷九 人物志

仕蹟

武職附

封贈附

耆壽附

卷十 人物志

武功

忠烈

卷十一 人物志

孝義

文苑

方技

卷十二 人物志

列女

趙州志

卷三 藝文志

記 告示 辨正

卷四 藝文志

記

卷五 藝文志

論 考 碑

卷六 藝文志

贊 銘 詩

卷末

雜考

直隸趙州志卷首

宸章

御製訓飭士子文 明倫堂壁間臥碑

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長立宮牆朝夕誦讀甯勿

趙州志

卷首

宸章

起少志
名
究心必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防蕩軼子衿
佻達自昔所譏苟行止有虧雖讀書何益若夫宅心弗淑
行已多愆或蜚語流言挾制官府或隱糧包訟出入公門
或唆撥奸猾欺孤凌弱或招呼朋類結社要盟乃如之人
名教不容鄉黨勿齒縱幸脫褫朴濫竊章縫返之於衷甯
無愧乎况夫鄉會科名乃掄才大典關係尤鉅士子果有
真才實學何患困不逢年顧乃標榜虛名暗通聲氣夤緣
詭遇罔顧身家又或改竄鄉貫希圖進取囂陵騰沸網利

營私種種弊端深可痛恨且夫士子出身之始尤貴以正
若厥初拜獻便已作奸犯科則異時敗檢踰閑何所不至
又安望其秉公持正爲國家宜猷樹績膺後先疏附之選
哉朕用嘉惠爾等故不禁反復惓惓頒茲訓言爾等務共
體朕心恪遵明訓一切痛加改省爭自濯磨積行勤學以
圖上進國家三年登選束帛弓旌不特爾身有榮卽爾祖
父亦增光寵矣逢時得志甯俟他求哉若乃視爲具文玩
愒勿做毀方躍冶暴棄自甘則是爾等冥頑無知終不能
率教也旣負栽培復干咎戾王章具在朕亦不能爲爾等
寬矣自茲以往內而國學外而直省鄉校凡學臣師長有

趙州志 卷首
司鐸之責者并宜傳集諸生多方董勸以副朕懷否則職業勿修咎亦難追勿謂朕言之不預也爾多士尙敬聽之

高宗純皇帝御製詩

乾隆十五年

趙州道中作

常山初駐翠華旃老幼瞻依夾道填飢食寒衣均在念車
塵馬足共摩肩幸逢四海方無事益切三時祝有年慙愧
閭閻心愛戴會何德澤被民編

趙州柏林寺小憩

禪寺會聞古趙州便途探蹟正清秋虞碑字具鳳龍勢

寺後

殿前有石甚古刻虞世南攀龍鱗附鳳翼六字吳水體兼文武流

左右兩壁有吳道子蹟一畫文

水一畫白鴿下無經可聽

是寺乃禪院不以持誦爲重且祇數僧頗廢其業云金輪

煥是聖重修

雍正年間會重修之

笑予柏子曾參熟不識庭前樹是

不

九月十有二日途經趙州小憇柏林寺閱殿壁吳道

子畫水舊蹟召扈蹕文臣梁詩正等刻晷聯吟禁

用水部字

御製花宮來九月稼寶登三秋唐壁懸吳畫○香林駐

御製駟塗聖粉痕古縱橫墨暈稠具體文兼武臣梁詩正

御製搖毫放更迥嘗聞工變相今見跋陽侯禁體例癸亥亥

年登澄海樓與張照梁詩正聯句亦禁用水部

風響颼颼咫尺論萬里臣彭啟豐

御製筋力迴干牛或靜符地德或動與天遊翔陽常逸駭○

罔象窮冥搜十指捫欲縮雙睛眩難收能事開元埒臣劉綸

御製奇觀廣陵侔兩孫彼固遜一勺吾將投茹納百川比○

御製髣髴三島不鏡象埽塵劫坳堂參芥舟乾維擅密運臣梁詩正

御製坤軸環遐陬龍門啟峯嶺鹿苑騰蛟虬曠哉八功德○

御製邈矣大琉球砰磕撼素障縹緲凌丹邱那得并州翦臣彭啟豐

御製何必中山求謂定州雪浪石馮夷方擊鼓乾闥將成樓隱名名

越顯○繪聲聲若酬魚龍臥豈穩雲夢吞應愁萬斛斟

天筆臣劉綸

御製一晌停吟眸含虛體無物攻堅性不柔因喻政治理持

盈保

趙州志
卷首
四
天休

再題吳道子文武水

壁端祇慮天瓢瀉千年不竭真神也伊人心自別高下堂
堂王道驩虞伯叶涵沕滉瀆無冬夏包孕龍宮及鼇駕叶
石渠各種空傳馬石渠寶笈藏馬
各體水真蹟日月出矣爍火捨大士
如如塵不惹晏坐道場功德灑

憇趙州柏林寺

橫川度口橋古郡連平野尋勝憇征鞍得句向蘭若蘭若
已清幽祖堂况趙州單提及直指要非庸者流香臺已絕
登禪拂率弗舉嗟哉風日下何怪優婆侶翠柏籠清蔭南

榮懸暖光虞字復吳畫與我相徜徉徜徉旋命馭迴憶秋
風曙歷然成往還底是無來去

前朝御製

宋真宗御製元聖文宣王贊

并序

若夫檢玉介邱迴輿闕里緬懷於先聖恭謁於嚴祠以爲
易俗化民旣仰師於彝訓宗儒尊道宜益峻於徽章增薦
崇名聿陳明祀思形容於盛德爰刻鏤於斯文贊曰立言
不朽垂教無疆昭然令德偉哉素王人倫之表帝道之綱
厥功實茂其用允臧升中旣畢盛典載揚洪名有赫懿範
彌彰

宋真宗加號元聖文宣王詔

王者順考古道懋建大猷崇四術以化民昭宣教本總百

王而致理不變人文方啟迪於素風思肇揚於鴻烈先聖
文宣王道膺上聖體自生知以天縱之多能實人倫之先
覺元功侔於簡易景鑠配乎貞明惟列辟以尊崇爲億載
之師表肆朕寡昧欽承命厯曷嘗不遵守彝訓保乂中區
屬以祇若元符告成喬嶽觀風廣魯之地飭駕數仞之牆
躬謁遺祠緬懷遐躅仰明靈之如在肅奠獻以惟寅是用
徵簡策之文昭聰叡之德聿舉追崇之禮庶伸嚴奉之心
備物典章垂之不朽誕告多士昭示朕懷宜追諡曰元聖
文宣王祝文特進署仍令所司擇日備禮冊命并修飾祠
廟祭器其廟內制度或未合典禮并令改正給近便五戶

以奉瑩域仍差官以太牢致祭故茲詔示想宜知悉

此碑在戟

門內東
偏西向

元成宗加號大成至聖文宣王旨

蓋聞先孔子而聖者非孔子無以明後孔子而聖者非孔
子無以法所謂祖述堯舜憲章文武儀範百王師表萬世
者也朕纂承丕緒敬仰休風循治古之良規舉追封之盛
典加號大成至聖文宣王遣使闕里祀以太牢於戲父子
之親君臣之義永爲聖教之尊天地之大日月之明奚罄
名言之妙尙資神化祚我皇元

此碑在大成殿
前中階之西

明世宗敬一箴

并序

夫敬者存其心而不忽之謂也元后敬則不失天下諸侯
敬則不失其國卿大夫敬則不失其家士庶人敬則不失
其身禹曰后克艱厥后臣克艱厥臣五子之歌有云予臨
兆民如朽索之馭六馬爲人上者奈何不敬其推廣敬之
一言可謂明矣一者純乎理而無雜之謂也伊尹曰德惟
一動罔不吉德二三動罔不凶其推廣一之一言可謂明
矣蓋謂爲元后受天付託承天明命作萬方之君一言一
動一政一令實理亂安危之所繫若此心忽而不敬則此
德豈能純而不雜哉故必兢懷畏慎於郊禋之時儼神明
之鑒觀發政臨民端莊戒慎惟恐拂於人情至於獨處之



時思我之咎何如改之不吝思我之德何如勉之不懈凡
諸事至物來究夫至理惟敬是持惟一是一協所以盡爲天
子之職庶不忝厥祖厥親由是九族親之黎民懷之仁澤
覃及於四海矣朕以冲人纘承丕緒自諒德惟寡昧勉而
行之欲盡持敬之功以馴致乎一德其先務又在虚心寡
欲驅除邪逸信任耆德爲之匡輔敷求善人布列庶位斯
可行純王之道以坐致太平雍熙之至治也朕因讀書而
有得焉乃述此以自勗云人有此心萬理咸具體而行之
惟德是據敬焉一焉所當先務匪一弗純匪敬弗聚元后
奉天長此萬夫發政施仁期保鴻圖敬怠純駁應驗頓殊



徵諸天人如鼓答桴朕荷天眷爲民之主德或不類以爲
大懼惟敬惟一執之甚固敬天勤民不遑甯處曰敬惟何
怠荒必除郊致恭誠廟嚴孝趨肅于明廷慎於閒居省躬
察咎儆戒無虞曰一惟何純乎天理弗參以三弗貳以二
行顧其言終如其始靜虛無欲日新不已聖賢法言備見
諸經我其究之擇善必精左右輔弼貴於忠貞我其任之
鑒別必明斯之謂一斯之謂敬君德旣修萬邦則正天親
民懷永延厥慶光前垂後縣衍蕃盛咨爾諸侯卿與大夫
以至士庶一遵斯謨主敬協一罔敢或渝以保祿位以完
其軀古有盤銘目接心警湯敬日躋一德受命朕爲斯箴



拳拳希聖庶幾湯孫底於嘉靖



此碑在明倫堂後敬一亭中

趙州全圖













試院圖






文廟圖




城隍廟圖



東馬道




西馬道




關帝廟圖



壇稷社




城外四壇圖




厲壇

先農壇



州城



風雲雷雨山壇

平棘山



直隸趙州志卷一

輿地志

周禮地官司徒周知方域廣輪之數辨山林川澤坳陵墳衍原陁之名唐太宗郡國有記馬端臨州縣有乘此作志者所以必首輿地也趙在古爲畿輔三代後半屬戰場歷元抵明復入畿輔獲沾治化鄭夾漈云州縣之設有時而更山川之形千古不易故歷敘其星野沿革疆域之屬以備好古者之採擇志輿地

星野

沿革

屬邑附

疆域

里社附

山川

橋梁附

古蹟

基域附

田賦

鹽政附

風俗

物產

祥異

兵事附

星野

大圜在上廓乎無垠一郡一邑太倉稊米耳應垂象者幾何自馮相保章列在周官於是布度定紀分州繫象司天者鑿鑿言之以察妖祥以占豐禘上下感召如鼓應桴見於春秋內外傳者毫釐弗爽經所以明奉若也趙地分野談者專屬昴畢乃歷代測驗家躔次度數參差不侔疆域割隸城郭移徙亦紛紛非一烏得持膠柱刻舟之見上議徵應哉夫天道遠人道邇子產以答裨竈守土官吏明乎克謹天戒之旨彌災保祥圖於幾先則星土九州之辨知所從事矣

爾雅大梁昴也西陸昴也濁謂之畢 注昴西方之宿別

名旄頭掩兔之畢或呼為濁因星形以名

周禮保章氏 注大梁趙也

史記天官書昴畢冀州昴曰旄頭畢曰罕車昴畢間為天

街其陰陰國陽陽國

漢書地理志趙地昴畢之分壘

後漢書律歷志黃道度昴十二畢十七

晉書天文志自胃七度至畢十一度為大梁於辰在酉趙

之分野屬冀州 趙郡入畢八度鉅鹿入昴三度常山

入昴五度 月入畢多雨

隋書地理志自胃七度至畢十一度為大梁屬冀州

唐書天文志胃昴畢大梁也

唐書地理志河北道冀深趙正定為大梁分 河東道鉅

鹿常山趙國為實沈分

五代史司天考北方七宿昴十一度畢十七度

宋史天文志天市垣二十二星東西各列十一星東蕃之

第十星曰趙 北斗七星六曰闔陽為律主木其分為

趙 五車五星在畢宿北東北一星曰天獄主辰星燕

趙分及幽冀

宋史律歷志黃道宿度昴十一畢十六

元史歷志周天列宿度新制渾儀測用二線所測度數分秒與前代不同昴十一度三十分畢十七度四十分明史天文志赤道宿度昴一十度二十四分畢一十六度三十四分黃道宿度昴八度二十九分畢一十二度五十八分胃四度至畢六度大梁之次也北平正定府昴畢分定冀二州皆昴分晉深趙三州皆畢分古今律歷考昴太初歷十一度崇甯所測十一度少授時歷所測十一度三十分畢太初歷十六度一行所測十七度皇祐所測十八度元豐所測十七度崇甯所測十七度少授時歷所測十七度四十分

沿革

屬邑附

趙之名始於造父趙夙受耿成子居原簡子據晉陽獻侯治中牟敬侯徙邯鄲漢初爲王國都襄舉非今境也戰國之趙販章恢廓力足以抗強秦表裏山河袤延數千里棘蒲彈丸地蒙全趙之名可乎哉然自典午置國平棘拓跋氏更爲郡嗣是移徙分割累代異制而趙之分相循至今東引青齊西抵并汾南障河淮北控遼薊名城劇郡爲規幅幘者所必爭而郊遂曠衍無峻嶺廣川重關扼塞以限戎馬是以龍戰之會櫻禍特烈自元建都燕京明永樂間徙都北平

後稱京師趙迺為股肱郡我

朝定鼎以來

闔澤湛恩三輔霑濡尤渥凡茲牧令繹承流宣風之義為保障不為繭絲行見芸芸氓庶食德服疇羣嬉遊於化宇中矣河潤九里勉副斯言

虞夏商

冀州境

周

春秋時為晉邑名棘蒲左傳哀公元年師及齊師衛孔圍鮮虞人伐晉取棘蒲即此今有棘蒲社不知何時復歸於

晉魏氏取之尋入於趙史記趙敬侯六年借兵於楚伐

魏取棘蒲是也

秦

屬鉅鹿郡

漢

置平棘縣故城在今治東南三里址存又置封斯為侯國在今治西南二十五里有東西封斯二村屬常山郡又置宋子縣莽曰宜子故城在今治東北三十五里址存史記高漸離匿作於宋子又燕伐趙師至宋子趙將廉頗逆擊之殺其將栗腹即此屬鉅鹿郡按常山郡

領縣十八隸今州者四 平棘 封斯 房子故城在高邑治

西南十部 故城在柏鄉 鉅鹿郡領縣二十隸今州者六

宋子 廣阿 象氏二縣在隆平境 慶陶 楊氏莽曰功陸

二縣在柏鄉侯國

後漢

平棘縣有寨 屬常山國宋子封斯皆廢 按常山國領

城十三隸今州者三 平棘 房子有贊皇山濟水所出晉地道記有礫

寨中 高邑故鄣有千秋亭 光武即位於此建武初更名

為冀州刺史治所 慶陶有薄落亭 楊氏二縣仍屬鉅鹿郡

而宋子廣阿象氏亦廢

魏

平棘縣屬常山郡

晉

置趙國治平棘 按趙國統縣九隸今州者三 平棘

房子冀州治所統郡國十三 高邑公相

鉅鹿國統縣二隸今州者一 慶陶鉅鹿

晉自賈氏煽亂八王構兵遠裔起而乘之疆域分裂莫

知誰屬約言其畧永嘉之末劉淵自離石徙都平陽國

號漢遣石勒寇鉅鹿常山諸郡今州亦歸劉氏然不置

戍守或各私其地名為附漢而已晉書不言 石勒據襄

趙州志 卷一
國稱後趙幽并冀青皆為所有今州歸石氏其後慕容
雋為燕王旋稱帝滅冉閔畧定冀州郡縣今州歸慕容
氏苻堅據關中號秦帝滅燕盡有其地今州歸苻氏慕
容垂乘堅之敗取鄴分兵畧冀州郡縣青兗徐亦附之
時稱後燕今州又歸慕容氏垂子寶立拓跋珪奪并州
圍中山盡取常山以東郡縣今州遂入於魏矣
後魏

置趙郡治平棘 按孝昌二年分定相二州置殷州治

廣阿領郡三曰趙曰鉅鹿曰南趙 趙郡領縣五隸今

州者三 平棘 有平棘城 房子 有房子城回車城 高邑 有墀

光武即位碑高邑城 置宋子縣治宋子城後漢罷永安二年復屬

鉅鹿郡 鉅鹿郡領縣四隸今州者三 宋子 慶陶

有沃州城 慶遙 有滏城 永安二年分慶陶置治楊城 南趙郡

領縣六隸今州者一 廣阿 有廣阿城堯臺 後漢罷太

和十三年復

高歡貳於爾朱起兵信都先得殷州嗣是權重勢偪擅
行廢立魏遂有東西之分今州歸東魏者十七年文宣
攘位乃入北齊

北齊

天保二年改殷州曰趙州 趙州之名始此 避太子名也初治廣

阿後移平棘省宋子房子二縣其時隸今州者四

平棘 高邑 慶遙 廣河

自晉室五方淆亂建置滋多星離豆剖紛綸莫紀齊文
宣謂百室之邑遽立州名三戶之村虛張郡目信哉天

保七年併省州郡宋子房子皆廢 按周大象元年以

洛州襄國郡為趙國令趙王招之國是時趙州當已廢

隋

趙郡 本齊趙州開皇十六年分置欒州大業三年改為郡 治平棘統縣十一隸今

州者六 平棘 廢宋子縣入焉 高邑 慶陶 舊曰慶遙開皇六年改為陶 大

陸 舊曰廣阿置殷州及南鉅鹿郡後改為南趙郡改州為趙州開皇十六年分置欒州仁壽元年改為象城

大業初州廢改縣為大陸 柏鄉 開皇十六年置有峭嶠山 房子 開皇十六年復有贊皇山彭水

唐

趙州屬河北道趙郡 望 武德初置治柏鄉四年徙治平

棘五年更名欒州貞觀初復曰趙州天寶初曰趙郡乾

元復曰趙州領縣八 平棘 上東二里有廣潤陂引太白渠注之東南二十里

有畢泐皆永徽五年令甯晉 名西南有新渠上元中令

程處默引洩水入城溉田經昭慶 年日象城天寶元年

更名西南二十里有建初啟運二陵城下有 柏鄉 上

豐水渠儀鳳二年令李元開以溉田通漕 高邑 中 臨城 中 本房子天

祐二年更 其贊皇元氏二縣非今州所隸

按武德元年張志昂以郡歸國改爲趙州二年陷於竇
建德四年建德滅劉黑闥旋起傳檄趙魏將吏殺令尉
附之五年擒黑闥定山東州復歸國天寶末安祿山盜
兵趙及鉅鹿六郡皆爲國守應顏杲卿也尋爲所陷史
明克常山引兵擊諸郡之不從者已思李寶臣爲恆州刺
而李光弼拔趙郡思明戰勝復取之
史挈以獻封趙國公名其軍曰成德州爲屬在寶應
李氏者二十年李維岳叛趙州刺史康曰知固州自歸
說王武俊誅維岳詔以日知爲深趙觀察使武俊攻之
不克興元元年武俊歸命廢深趙觀察復置成德軍領
恆冀趙深四州入王氏者三十六年長慶元年王承宗

卒弟承元請受代田宏正至鎮州王庭湊害之穆宗累
討不克遂授以節度使在長慶傳四世五帥至五季辛
巳王鎔爲張文禮所殺凡百年而滅文禮尋死明年其
子處瑾伏誅州入於後唐石晉劉漢郭周因之

宋

慶源府望趙郡慶源軍節度尊國姓也本趙州軍事大
觀三年升爲大藩崇甯四年賜軍額宣和元年升爲府
屬河北西路領縣七靖康後入於金

平棘

望

甯晉

望

臨城

上

唐縣熙甯元年省隆平

高邑

中

熙甯元年省柏鄉贊皇二

隆平

中

柏鄉

中

贊皇

下

趙州
今屬正定府按宋靖康二年為金天會五年五月金人之遂入於金

金

沃州上天會七年改為趙州天德三年更沃州取水沃

火之義屬河北西路軍曰趙郡軍後廢領縣七平棘

中甯晉下隆平下臨城中柏鄉下高邑下有贊皇山濟水一名沛水

贊皇今屬正定府鎮一城奉金正大二年元將史天

節度使守之復慶源軍本號州遂入於元

元

趙州中屬燕南河北道真定路領縣七平棘中甯晉

下隆平下臨城中柏鄉下高邑下至元二年廢七年復置贊皇今

屬正定府舊領欒城元氏二縣大祖十五年割隸正

定府

明

洪武初置北平行中書省領州三十七趙州與焉九年

改為承宣布政司永樂初建北京於順天府罷北平布

政使以所領直隸北京行部十九年罷北京行部直隸

六部領直隸府八

正定府領州五其四為趙州領縣六以州治平棘縣省

南有洹河下柏鄉北有野河即槐水隆平洪武六年九月省入

柏鄉十三年十一月復置東有澧水東北與沙河合下
流入胡盧河沙河槐水別名又東北有大陸澤亦曰廣
阿漳水高邑有黑水即槐水也臨城南有敦輿山西南
所匯流合縣南之沛水臨城有鐵山西北有涿
水東經釣盤山甯晉東南有胡盧河上流即漳水也深
下與沛水合冀羣川悉匯於此東北有百尺口
巡檢贊皇今屬正定府

國朝

趙州仍明舊制屬正定府領縣六 柏鄉 隆平 高

邑 臨城 甯晉 贊皇雍正二年升趙州為直隸州

割贊皇屬正定府餘如故

柏鄉縣

春秋晉鄆邑戰國歸於趙武靈王三年城鄆二十漢置

鄆縣在今治北屬常山郡莽曰禾成亭又分置柏鄉侯

國在今治西屬鉅鹿郡旋廢後漢世祖即位鄆南改曰

高邑屬常山國為冀州刺史治所魏屬常山郡時移冀

平晉改屬趙國公相後魏屬趙郡北齊廢房子而徙高

邑於其境內今高屬趙州周因之隋開皇十六年始分

置柏鄉縣於故鄆之南二十里屬欒州即今治也大業初

改屬趙郡唐武德初徙趙州治柏鄉俄還治平棘以縣

屬焉五代因之宋熙甯間省為鎮入高邑元祐元年復

置屬慶源府金屬沃州元明屬趙州

國朝因之雍正二年升趙州為直隸州仍屬焉

隆平縣

春秋晉地戰國為趙所有武靈王游大陸即此漢置廣阿縣舊志在今

治東十五里今無考屬鉅鹿郡後漢省後魏太和十三年復置廣

阿縣又於縣置南鉅鹿郡時鉅鹿郡在下曲陽即今晉州故曰南尋改為

南趙郡時平棘有趙郡孝昌二年置殷州治廣阿北齊天保二

年避太子名改殷曰趙七年州廢隋初郡亦廢開皇十

六年分置欒州仁壽元年改縣曰象城在今治北二十五里大業

初州廢改縣曰大陸屬趙郡唐武德初復曰象城天寶

初又改昭慶尊祖陵也地有建昌延光二陵屬趙州五代因之宋

太宗北伐見曠野平衍改曰隆平熙甯元年省為鎮入

臨城元祐元年復置屬趙州軍金屬沃州元屬趙州明

洪武元年省入柏鄉十四年復置屬趙州

國朝因之雍正二年升趙州為直隸州仍屬焉

高邑縣

春秋晉地戰國中山房子邑趙武靈王北畧中山至於房子即此漢置房

子縣在今治西南十五里屬常山郡後漢建武初改部曰高邑在今

柏鄉縣城北非今治也晉及後魏屬趙國北齊天保七年移

治房子之東北境廢房子入焉即今治仍屬趙郡宋熙

甯五年省柏鄉贊皇二縣入高邑元祐元年復屬慶源

府金屬沃州元至元二年省贊皇入高邑七年復元明

屬趙州

國朝因之雍正二年升趙州為直隸州仍屬焉

臨城縣

春秋時為晉臨邑

哀公四年趙稷奔臨即此

後曰房子戰國入於中

山旋歸趙

惠文王時廉頗攻魏拔房子因城而還即此

漢置房子縣在今高邑城西

南十

屬常山郡後漢屬常山國魏屬常山郡晉置趙國

治房子後魏屬趙郡北齊移高邑於房子境內縣省隋

開皇六年復置屬趙郡唐天寶元年改臨城

即今屬趙

州天祐二年更曰房子後唐復曰臨城宋屬慶源府熙

甯六年省隆平縣入焉元祐元年復金屬沃州元明屬

趙州

國朝因之雍正二年升趙州為直隸州仍屬焉

甯晉縣

周為楊氏邑

楊紆伯僑自晉歸周封於楊即此

春秋屬晉戰國屬趙漢

置楊氏

莽曰功陸今治是其故址

慶陶二縣屬鉅鹿郡後漢鉅鹿郡

治慶陶楊氏屬焉晉省楊氏入慶陶仍為鉅鹿國治後

魏永安二年分慶陶置慶遙縣治楊城屬鉅鹿郡北齊

廢郡兼省慶陶入慶遙屬趙州隋開皇六年改慶遙曰

慶陶屬欒州旋改屬趙郡唐天寶元年改曰甯晉屬趙

州五代因之宋屬慶源府金屬沃州元明屬趙州

國朝因之雍正二年升趙州爲直隸州仍屬焉

晉自永嘉以後羣翟紛擾今州所轄旦夕易主如劉氏石氏冉氏慕容氏苻氏後慕容氏其歸拓跋氏最久又入高氏宇文氏楊氏至唐而中外一統天寶之後爲藩鎮竊據父子相授如李寶臣王武俊王庭奏輩與唐相終始有宋中葉轉入於金自元混一區夏而州始有甯字矣

疆域 里社附

畫郊圻以固封守古今通義也趙州於古爲棘蒲漢曰平棘下邑耳司馬氏始置國後魏立郡北齊改州自是以降名稱屢變境土不移而屬邑較多趙宋尊崇國姓由軍升府更曰慶源所領七縣畧符今制金曰沃州元復故名屬正定路明因之獨省平棘

國朝循舊雍正二年升直隸州而割贊皇歸正定府今州所統柏鄉隆平高邑臨城甯晉五縣地居午道北爲京輦屏蔽南爲河朔咽喉輪蹄交錯英蕩頻經巍然雄郡矣按其封界劃而分之識廣袤之數思控制之宜職

方所掌披籍瞭如已

趙州

東至甯晉縣界五十里西至元氏縣界二十五里南
至柏鄉縣界三十里北至欒城縣界二十里東南至
甯晉縣界二十里西南至高邑縣界二十五里東北
至晉州界四十五里至藁城縣界三十五里西北至
欒城元氏縣界各二十五里總計廣七十里袤五十
里合全屬境東至保定府東鹿縣界九十里東南至
冀州南宮縣界九十里南至順德府唐山縣界九十
里西南至順德府內邱縣界九十里西至山西太原

府樂平縣界一百五十里西北至正定府元氏縣界
三十里北至正定府欒城縣界二十里北至省城三
百九十里至

京師七百四十里

編戶里社二十有四明初只十七社後增七社舊稱
上社六中社八下社十

在城社 棘蒲社 馮公社 明德社 名信社

唐興社 輪城社 蘇村社 大誥社 沙河社

永安社 樂業社 新安社 安仁社 安甯社

永甯社 永豐社 講信社 修睦社 新民社

政通社 人和社 治隆社 化洽社

城關舖八

州前舖 石塔舖 東門舖 西門舖 南門舖

北門舖 東關舖 西關舖

村莊二百三十有四

城東 計四十一村

劉家莊 一里 東何家莊 三里

南解家疃 北白尙 俱五里

南白尙 河西寨 俱八里

東楊家莊 十里 王家郭

楊家郭鎮 有寨 鄭家郭

許家郭 安家柏舍

耿家柏舍 俱十五里 徐家寨 十七里

俞家岡 柏舍李莊

范家柏舍 曹家莊 俱二十里

高莊 唐家寨 俱二十五里

南李家疃 北李家疃 俱二十五里

林子村 二十八里 孝友村

常信村 常信營

賢門樓 楊戶村 有寨

解家寨 俱三十里 范莊鎮 有寨

曹莊

孔家營 俱四十里

任莊

花邱

小張家莊

俱四十五里

大安村

有寨

大夫莊

俱五十里

高莊窩

秀才營

段木莊

俱五十五里

東朱家莊

六十里

城東南

計十八村

董村

五里

郭村

七里

停住頭

姚家莊

俱八里

侯召村

西章舖

西河村

西浚洋

俱十里

西紀豪

十二里

東紀豪

王西章

一名大西章

董西章

趙劉西章

屈西章

百戶莊

南寺家莊

胡家營

俱十五里

東浚洋

十六里

城南

計二十六村

瓜家莊

二里

故城

三里

大石橋鎮

焦家莊

俱五里

睦家營

七里

傅劉莊

八里

封家舖

屯子村

俱十里

東湘洋

西湘洋

俱十二里
有寨

東大誥

西大誥

大誥舖

俱十五里

沙河店鎮

東楊村

西楊村

小誥

丁村

謝家灣

北馮

俱二十里

河北南馮

河南南馮

中馮

東北營

野雞舖

東誥

俱二十五里

城西南 計二十村

常家莊

二里

尉家莊

傅家灣

俱五里

邢村

潘村

俱八里

北泥河

南泥河

俱十里

西新莊

高村

東大章

俱十五里

西大章

南田村

俱二十里

楊召村

賈王村

東封斯村

俱二十五里
古封斯

西封斯鎮

二十七里
古封斯

西江村

猛公村

董王村

俱三十里

白溝驛

三十五里

城西

計三十六村

卜家莊

三里

趙家莊

南正村

俱五里

大李莊

七里

小李莊

八里

馬祭道寺

趙祭道寺

西正村

北三相

南三相

宋村

北正村

煙家寨

俱十里

馬村

花馬營

俱十一里

大琉璃

十二里

前營

安王村

俱十四里

後營

馬平村

俱十五里

范村

十六里

傅家莊

十八里

西張家莊

十九里

河王莊

東章呂

西田村

永興莊

俱二十里

黃市村

二十二里

南王里

北王里

西章呂

段村

俱二十五里

東大里寺

二十七里

西大里寺

二十八里

賈村

吳賈村

俱三十里

城西北 計八村

蘇村

西朱家莊 俱五里

南輪城

北輪城

六市莊鎮

賈店村 俱十五里

賈呂村

溝岸鎮 三十里

城北 計三十七村

東堰頭 二里

西堰頭

常洋村 俱三里

官莊 五里

趙莊

小莊

北解家疃

彭家莊 俱八里

新店

周村

泥溝村

北何家莊

曹谷疃

豆家莊 俱十里

馬谷莊 十三里

西何家莊

營兒舖

台興莊

商家莊

史家莊

大呂村

小呂村

儀停村 俱十五里

永安村 十六里

周魯莊

王家莊

雙廟李家莊 俱十八里

楊台村

新寨店鎮 一名賈店

固德村

投頭莊

城郎村

小馬圈

鄉官村

西白莊

杜家莊

馮家莊

俱二十六里

城東北

計四十八村

黎村

趙村

柏家營

韓村

北新莊

豆腐莊

蘇家疃

齊家莊

徐家莊

閣子李莊

南白莊

俱二十五里

北朱家莊

二十八里

小羅村

二十九里

大羅村

羅大章

北大章

四德村

中帳村

閣子村

閣子楊家莊

石家莊

閣南村

俱三十里

南龍化

北龍化

宋城

古宋子

安現村

俱三十五里

圪塔頭

三十八里

東姚家莊

董張家莊

南莊

大東平

小東平

大馬村

有寨

田莊

田王莊

董莊

謝莊

小郝莊

俱四十五里

大郝莊

四十七里

南中馬

北中馬

安家莊

邵家莊

孫家莊

大寺家莊

小寺家莊

馬莊

大馬圈

俱五十里

市集

城關

城內集

四九日

西關集

一六日

四鄉

范莊集

五十日

楊家郭集

二八日

王西章集

一六日

大石橋集

二七日

沙河店集

五十日

東大章集

二八日

西封斯集

一六日

宋村集

二八日

馬平集

五十日

六市莊集

二七日

溝岸集

五十日

新寨店集

五十日

韓村集 一六日

山川

橋梁附

趙古稱大國被山帶河形勝甲於天下自大元定都
幽燕遂爲南北孔道及明成祖文皇帝復建鼎於北
平九省往來爲股肱上郡中原鎖鑰舊志云跨有恆
山滹水之勝雄於河朔斯固然矣今觀州城近則大
陸滌洞於左鐵山聳峙於右平棘山浹水列其前欒
臺宋城屏於後遠則星岡沙流墳衍膏沃龍平馬鞍
崎嶇鬱盤又遠則挂堯峰於泚水拖井陘於滏陽十
入盤峻極而險據牛口葫蘆河匯注而浸引漳流比
其西登太行也長川千里勝氣蒼然中條恆嶽秀湧

芙蓉四通入達壯懷聳目如在圖畫中矣蓋燕趙之
上游秦楚豫之咽喉也顧閭閻耕作公私積儲丁壯
團練好義任使則不逮古遠矣明季流寇蹂躪田多
荒蕪迨入

國朝版圖爲首善地招集撫綏漸臻豐樂士農工賈各安
本業任教養之責者安可不爲保障長久計哉

舊志

形勝論

平棘山有二在州北曰大平棘在州南曰小平棘皆去城
百步許山頂平而多棘故名後魏置縣取此

龍平山在州北三十里宋子城之西相傳山本高聳一日

風雨驟至龍過而平其半故名又名龍光山

一統志

鞍子山在州東北三十里形似馬鞍故名

三臺岡在州南二十里有三岡排列如臺星然因名

雍正志

星岡在州城外大小阜二十八環列如宿因名

俞家岡在城東二十里因有俞姓居其旁故名

方輿紀要

浚水在州南五里許舊志云凡有四泉一在蓮花營一在

洚北村皆獲鹿南境二泉東流十餘里而合其二泉在

寶姬村西北石牛港東行二百餘步而合又三里餘與

前二水合迤邐南行包欒城經趙州達清漳入於海

舊志

云達漳入海按
於今形勢不合

附張孝時浚河攷云浚河發源於封龍山北之南寨村兩壁峰巒峻削瀑布懸崖水皆從石罅中流出二十里至南甘子村入平地至平通橋滙金河普良河由欒城之彭家莊以達於通濟橋此浚河之正脈也又石牛港二泉已湮沒不可攷土人以牛家莊之南通濟橋以北是其故迹此則浚河之支流也水經注云浚水不出山而假力於近山之泉今攷浚河實受西山諸水每大雨時行伏水迅發建瓴而下勢不可遏自獲鹿之寺家莊至欒城之王家莊泛溢爲害者皆此水也一云達於大陸一云至趙州大石橋東南流歸滏陽河

漢書地理志石邑縣井陘山浚水所出東南至慶陶入泚攷欒邑志道光年知縣桂超萬遣人尋源云獲鹿城南五十里有五峰山五指排空森然屹立浚水出焉山麓有梁家莊浚水繞出村南西南流逕獲鹿欒城界至龍門南賈旅村爲趙州境入州境後東南逕輪城三相西正村宋村至大石橋折而東逕焦家莊西浚洋胡家營至甯晉之邊村及橋樓底武家橋迤邐達縣城東南歸北泊按浚水自梁家莊導流至平同村有金水合普蓮河來入之至欒城梅家村西有沙河來入之至郭家莊西有金水入之至宋村西有豬龍河入之至大石橋

有治河自欒城來入之當時頗稱巨川今僅有涓涓細流惟夏秋霖潦挾眾山泉來注然不久復爲細流矣豬龍河在城西南六里正定志云河在元氏縣西北八里西山諸水所匯也歷南北沙灘等村八十里至東賈達州境入於洙欒城志洙河記云洙水自欒城縣東南達趙州至宋村有元氏之豬龍河自西來入之按豬龍河土人亦謂之北沙河今自元氏縣西北往東南流逕雙塔吳村東賈寇村歷州境之南北王里馬平大琉璃橋至宋村入洙河自琉璃以西隄岸猶存彷彿水大漲時始一至宋村西林寺以北其故道入洙處也

宋子河在城東北三十五里今宋城村其地也河爲太白渠之下流渠在平山縣前漢書綿蔓縣斯洙水首受太

白渠者是也水經注白渠水東南逕關縣故城北

漢置關縣

後魏改欒城又東爲城郎河又東逕耿鄉南又謂之宋子河

耿鄉東漢耿純封國藁之宜安城也按唐時自平山引太白渠至石邑灌

田名大唐渠唐總章二年自石邑引太白渠東流正定界曰禮教渠舊志唐永徽中平棘縣令弓志元引太白渠水注爲廣潤陂所引卽宋子河也今河與陂皆無攷惟宋城村名沿舊可畧識陳迹

治河在西門外永通橋俗以爲清水河也治河出山西平

定州之松嶺自平山東南流逕欒城西北元皇慶中於
 冶河東岸開減水河以殺其勢即冶河鋪也水自冶河
 鋪東南流逕欒城凌空橋四濟橋州境之賈店營兒鋪
 入西關永通橋南趨大石橋合浚河今上源至平山合
 河口入滹沱支流亦湮惟秋夏水漲趨流至趙入永通
 橋匯而為沼 按冶河之名始於金元以前通謂之綿蔓水太白渠
 清水河舊志云發源封龍山逕欒城至州南五里與浚河
 合與冶河之發源平定州者判然為二水攷通志北沙
 河源出元氏縣界之封龍山東至欒城與浚河合一統
 志金水河源出封龍山東南逕元氏北十五里又東至

欒城合浚河欒邑志沙河源出元氏西北割鬚嶺至封
 龍山有山溝水入焉自發源計八十里至梅家村入浚
 河每夏秋水漲浚水挾眾水四溢旁流流至甘水橋是
 所謂清水河者即浚水合金沙之泛溢者也今故道不
 可攷然水漲時西北溝岸六市莊近浚河諸村之水猶
 競趨甘水橋以達於護城河

沙河在州南發源於贊皇縣黃沙嶺逕元氏高邑過趙達
 東南入大陸澤中按槐河源出贊皇西經元氏高邑縣
 界此今之沙河也一統志云槐河亦名泝水自元氏經
 高邑一支東入趙州為白溝河即沙河一支東南由柏

鄉會午河歷隆平至甯晉爲廣阿澤甯晉志七里河在縣南二十五里宋家莊北爲柏鄉槐午諸河所注東入滏陽是河卽在泊中輿圖備考云泚水至甯晉縣滙廣阿澤者是也今七里河口淤塞高莊村以東皆平漫無復河渠亦無歸滏陽徑路惟泛濫田野而已

甘水河在西關之西甘水橋跨其上

今名永濟橋

亦治河之支

流疑卽甘淘河之訛也治河自欒趨趙至縣南五里龍潭灣一支達永通橋環列城沼一支折而西復西南挾羊溝水入甘水橋南流五里入洸河今則時流時涸矣按甘淘河源出山西樂平縣自平定州至井陘至橫口

橋與綿蔓水合一統志綿蔓水合甘淘河後名治河世多以甘淘河爲治河人或因此姑目之爲甘水河而易一淘字耳

滹沱河故道在州東三十里今爲支河夏水泛溢東北鄉自花邱圪塔頭孝友村南北李家疇橫流激湍南北五六十里

按成化八年滹沱出晉州紫城口南入甯晉泊正德十三年紫城口淤分爲二股一股仍由甯晉泊一股東溢東鹿深州等處當時議者屢勞民動衆欲將東溢之水障歸故道工甫成秋水泛漲旋被衝激併前南流河身

淤塞二股皆東北流轉入獻縣大爲深獻之害

國朝順治十三年又南徙由藁城晉州入東鹿百尺口至冀州歸滏陽河通志雍正三年河又東徙決晉州周頭村直衝東鹿環城西流瀰漫四野怡賢親王以泊乃三郡眾水會歸之地不可仍令濁流淤塞乃親行相度得舊河一道由木邱南至焦岡入滏陽河

按滏沱河發源山西繁峙縣泰戲山下經雁門入平山界東行至合村有冶河來入之又東行至靈壽縣界又東行二十里會松陽河衛河出同下村入正定又十里接藁城之柏棠河護城河林濟旺泉至此層次南趨一

一收入而滏沱之勢漸大乾隆二十四年自晉州張盆口南流歸道趨甯晉轉東鹿仍於甯晉之營上村會滏陽河入子牙河歸淀

據趙鑑衡攷乾隆間河由藁城入本郡經南北中馬村東折而南經大馬圈謝莊大小東平范莊等村至楊戶孔家營西折而南入甯邑境道光三年由北中馬村分一支西折而南經南中馬村大小郝莊圪塔頭姚家莊至常信營孝友等村分爲二支東支經賢門樓解家寨南入甯邑境西支經唐家寨至北李疇東折而南經南北李疇東南入甯邑境二十二年支流涸大河遷徙由

南北中馬村邵家莊東南入甯晉境咸豐九年再遷徙
由藁城入晉州境支派亦涸

廣潤陂在州治東二里許唐永徽五年縣令弓志元引太
白渠水以注之是也今廢

水閘渠在州西門外初引清水河入城濠壅而無洩水漲
為害天順中知州何濬於經藏寺前穿此渠以分殺水
勢西入永通橋與洩水合民咸稱便今廢

橋梁

安濟橋在州南五里洩水上一名大石橋乃隋匠李春所
造奇巧固護甲於天下上有獸迹相傳是張果老倒騎

驢處按果老隱中條山得長生秘術則其偶過於此亦
或有之後人欲神其說因為之附會云唐宋以來題詠甚多見藝文

永通橋在西門外清水河上建置莫詳所始以南有大石
橋因呼為小石橋有記見藝文

濟美橋在宋村東北里許洩水上萬曆二十二年花馬營
貞孀亢王氏捐貲重修
名濟美者所以見碑記
成先夫志也

古蹟

墓域附

古人往矣簡冊亦為陳迹况他物乎然物以人傳流風餘韻往往足繫人思過宋王之宅覽峴山之碑後人所以致慨慕也趙為古名郡最著者望漢一臺其他城壘祠墓之留亦表表在人耳目君子緬想遺徽知士自有所以不朽者將抗心希古之念油然而生詎止登眺遊觀云爾哉

舊志載有十景

古橋仙跡

雙廟龍泉

勒經石塔

望漢雲臺

平棘舒青

浚川環翠

東寺鐘聲

西郊水利

南畦稻熟

北沼荷香

棘蒲故城今州治春秋時晉地十三州志平棘本晉之棘

蒲戰國時改爲平棘舊志謂平棘在棘蒲之南後移治

於棘蒲故以故平棘爲南平棘也

大清一統志

平棘故城在州南三里後漢時亦謂之南平棘

同上

宋子故城在州北三十五里本戰國時趙邑史記燕王喜

四年栗腹伐趙趙王自將偏軍隨軍至宋子又秦滅燕

高漸離匿作於宋子卽此城址尙存

同上

封斯廢縣元和郡縣志平棘縣有封斯村今在城西南二

十五里舊志有何屯營城疑是

同上

故樂城在州西北十六里春秋時晉邑舊志謂卽樂武子

所封今俗呼爲輪城

同上

望漢臺在州治前高七尋延袤二百八十尺相傳後漢初

耿純所築以望光武

有銘有詩見藝文

歷歲旣久僅存兩阜東

西分峙明宏治十年知州張清加砌合爲一臺爲州前

門戶

臺西有古井卽築臺時所鑿

同上

十萬壘在州南一里寰宇記及唐國志云漢安帝永初間

朱寵將五營屯兵孟津詔魏都趙國恆山中山並作塢

壘六百一十二處此其一也

舊志

馮唐宅在州治南三里平棘故城內今廢

舊志

寶經堂在州城內元太常院判楊靜適先生建歲久傾廢
有記見藝文

溝岸堡在溝岸村北廣闊十畝餘周圍牆基猶存相傳進
士衡州府知府劉濟所築

廉藺祠在望漢臺西明崇禎間郡守賈師遠建

雍正志

耿純祠在州東北龍化村明宏治間知州張清於純墓前
建

康熙志

仰德祠在州治東明宏治間士民爲知州何濬建

雍正志

柏林寺在州治東南金大定年建有真際禪師寶塔殿壁
間有畫水勢如奔流相傳爲吳小仙筆或云吳道子筆
也殿前有碑對峙爲唐虞世南書攀龍鱗附鳳翼六字
活潑泉在柏林寺後最寒冽宜於烹茶

有詩見藝文

往來嘉賓

過柏林寺者既觀畫水復飲香泉蓋翛然物外矣

石塔在州內南大街相傳是開元寺遺址四面入稜周圍
鐫陀羅尼經相傳爲虞世南書不可考塔東北有一銅
井不知鑿自何年

涵虛泉在州治西南味極甘冽爲城中第一泉明嘉靖間
知州蔡懋昭作亭以蓋之匾曰涵虛今廢

趙州志卷一
惠民泉在望漢臺西北明成化七年知州潘洪命工築牆
而得遂浚鑿其泉甘美民便之因名今廢

空明石在州治公廨內嶙峋奇怪孔竅相通上有古鐫空
明洞天四字疑是晉唐時物也今失

墓域

趙信平君廉頗墓在州東楊家郭村東按廉頗卒於楚之
壽春不知何年歸葬及查靈壽亦有廉頗塚俱不可考
趙廣武君李左車墓在州西宋村西林寺後查定州志在
曲陽南牧山之陽而行唐史家莊深州東南歸化村俱
有左車塚真偽不可辨但左車本趙州人疑此近是

西漢車騎都尉馮唐墓在州南野雞舖村南

東漢東光侯耿純墓在州東北龍化村墓前有祠 一統志

後魏定州刺史李憲墓在州西二十五里段村東同治間
得誌石知爲李憲墓誌云趙國柏仁人元象元年葬

隋主簿吳嚴墓在州東北三十五里龍化村光緒間得誌

石云大業四年葬於趙郡東北三十五里建平鄉

元總管趙振玉墓在州西北五里蘇村東 碑記見藝文

元駙馬王平章墓在州南五里浚水北

明戶部侍郎王珩墓在州西南五里尉家莊

明南京兵部右侍郎王詔墓在州東南八里停住頭村西

碑記見藝文

明南京戶部雲南司員外郎王簡墓在州東五里南解家

瞳村南

碑記見藝文

直隸趙州志卷二

輿地志

田賦

鹽政附

文獻通考首田賦蓋田賦以足國用以阜兆民也上
之人勞心治民使人各勤其業樂其事則壤成賦上
下與足斯亦自然之道矣趙地西南一方俱係沙瘠
東北一方俱係謙鹵加以水旱頻仍子午衝要所以
甦民困省民勞者良司牧尤當加意也

康熙十年戶凡一千八百七十二丁凡六萬三千五百八
十九至光緒九年戶凡二萬八千三百二十四口凡

十四萬五千二百八十三

原額下人丁四萬七千七百七十七丁五年編審一次

乾隆三十七年六月十八日欽奉

上諭嗣後五年一次編審之例永行停止

新舊人丁共六萬七千二百八十二丁內除

盛世滋生人丁一千七百二十一丁欽奉

恩詔永不加賦外

實在下人丁六萬五千五百六十一丁每丁徵銀一錢共徵銀六千五百五十六兩一錢每丁徵閏月銀

三釐五忽零共徵閏月銀一百九十七兩四分九釐

零

又本州并歸併各衛實在行差人丁六萬五千九百六十一丁各徵銀不等共徵銀六千六百二十六兩七錢九釐零共徵閏月銀一百九十七兩四分九釐零於雍正二年奉

旨攤入地糧徵收糧銀每兩均攤丁匠銀二錢七釐二絲六忽零遇閏每兩均攤丁閏銀七釐九毫四絲一忽零

原額一例起科小白地七千七十八頃五十八畝三分

每畝各徵銀不等

優免地一千八十一頃每畝徵銀二分五釐六毫九絲
六忽零共徵銀二千七百七十七兩八錢三分四釐
零共攤丁匠銀五百七十五兩八分六釐零遇閏共
攤丁閏銀二十二兩五分九釐零

行差地五千二百三十二頃一十四畝二釐九毫每畝
徵銀二分五釐六毫九絲六忽零共徵銀一萬三千
四百四十四兩九錢七分八釐零共攤丁匠銀二千
七百八十三兩四錢七分一釐零遇閏共攤丁閏銀
一百六兩七錢六分八釐零

寄莊地七百六十五頃四十四畝二分七釐一毫每畝
徵銀二分九釐九毫七絲一忽零共徵銀二千二百
九十四兩一錢一分零共攤丁匠銀四百七十四兩
九錢四分二釐零遇閏共攤丁閏銀一十八兩二錢
一分七釐零

康熙十六年查出自首額內優免地二十七頃三十七
畝九分七釐每畝徵銀二分五釐六毫九絲六忽零
共徵銀七十兩三錢五分七釐零共攤丁匠銀一十
四兩五錢六分五釐零遇閏共攤丁閏銀五錢五分
八釐零

行差地三百四十六頃二十六畝二分四釐八毫每畝
徵銀二分五釐六毫九絲六忽零共徵銀八百八十
九兩七錢八分七釐零共攤丁匠銀一百八十四兩
二錢九釐零遇閏共攤丁閏銀七兩六分五釐零
又額外馬廠地七頃七十四畝七釐每畝徵銀二分五
釐三毫八絲一忽零共徵銀十九兩六錢四分六釐
零共攤丁匠銀四兩六分七釐零遇閏共攤丁閏銀
一錢五分六釐零

額外馬廠地五十一頃三十畝每畝徵銀二分五釐三
毫八絲一忽零共徵銀一百三十兩二錢五釐零共

攤丁匠銀二十六兩九錢五分六釐零遇閏共攤丁

閏銀一兩三分三釐零

牧地九十八頃五十畝每畝徵銀二分八釐四毫八絲

一忽零共徵銀二百八十兩五錢四分二釐零共攤

丁匠銀五十八兩七分九釐零遇閏共攤丁閏銀二

兩二錢二分七釐零

行差地三十九頃八十一畝五分四釐每畝徵銀二分

五釐六毫九絲三忽零共徵銀一百二兩三錢一釐

零共攤丁匠銀二十一兩一錢七分九釐零遇閏共

攤丁閏銀八錢一分二釐零

學院學租地二頃二十畝每畝徵銀三分共徵銀六兩六錢共攤丁匠銀一兩三錢六分六釐零遇閏共攤丁閏銀五分二釐零

康熙二十七年騰驤右衛歸併本州地三頃二十二畝七分八釐八毫每畝徵銀一分三釐四毫一絲一忽零共徵銀四兩三錢二分九釐零共攤丁匠銀八錢九分六釐零遇閏共攤丁閏銀三分四釐零

康熙二十八年正定衛歸併神武衛歸併本州實在徵糧下地一百三十二頃四十四畝一分五釐每畝徵銀五釐四毫二絲五忽共徵銀七十一兩八錢四

分九釐零共攤丁匠銀一十四兩八錢七分四釐零遇閏共攤丁閏銀五錢七分五毫零

康熙十六年查出自首上地一十九頃四十二畝每畝徵銀二分六釐六毫九絲共徵銀五十一兩八錢三分一釐零共攤丁匠銀一十兩七錢三分零遇閏共攤丁閏銀四錢一分一釐零

價銀四錢七分五釐三毫六絲四忽零實在歸併徵糧屯地內派徵每畝代徵銀三絲五忽零

康熙二十九年奉文歸併正定衛所轄神武衛查出自首下地四頃三十四畝二分三毫每畝徵銀五釐

四毫二絲五忽共徵銀二兩三錢五分五釐零共攤
丁匠銀四錢八分七釐零遇閏共攤丁閏銀一分八
釐零

又清查自首上地二十七畝五分四釐八毫每畝徵銀
二分六釐六毫九絲共徵銀七錢三分五釐零共攤
丁匠銀一錢五分二釐零遇閏共攤丁閏銀五釐零
道光九年分民人王守義等報涸嘉慶六年水冲沙壓
優免清查行差等地三百四十四頃七十四畝三分
九釐九毫每畝徵銀二分五釐六毫九絲六忽零共
徵銀八百八十五兩八錢八分五釐共攤丁匠銀一

百八十三兩四錢二釐遇閏共攤丁閏銀七兩三分

五釐

又民人付秀等報涸嘉慶六年水冲沙壓寄莊地十七
頃十三畝一分一釐二毫每畝徵銀二分九釐九毫
七絲一忽零共徵銀五十一兩三錢四分四釐共攤
丁匠銀十兩六錢三分遇閏共攤丁閏銀四錢八釐
道光十一年分民人李功等報墾嘉慶六年水冲沙壓
行差等地一頃二十畝七分八釐七毫每畝徵銀二
分五釐六毫九絲六忽零共徵銀三兩一錢三釐共
攤丁匠銀六錢四分二釐遇閏共攤丁閏銀二分五

走少
卷二
六
釐

道光十三年分民人卜龍等認墾城河兩岸沙淤等地
四頃九十三畝八分二釐每畝徵銀五釐四毫二絲
五忽共徵銀二兩六錢七分九釐共攤丁匠銀五錢
五分五釐遇閏共攤丁閏銀二分一釐

道光十四年分民人邢建宗等認墾地一十二畝四分
每畝徵銀五釐四毫二絲五忽共徵銀六分七釐共
攤丁匠銀一分四釐遇閏共攤丁閏銀一釐

道光十七年分南李疇原淤成熟下地一頃九十七畝
七分七釐一毫每畝徵銀一分三釐四毫一絲一忽

零共徵銀二兩六錢五分二釐零共攤丁匠銀五錢
四分八釐遇閏共攤丁閏銀二分一釐

又續淤成熟下地二頃五十七畝七分五釐八毫每
畝徵銀五釐四毫二絲五忽共徵銀一兩三錢九分
八釐零共攤丁匠銀二錢八分九釐遇閏共攤丁閏
銀一分一釐

以上通共額內額外共地七千七百九十三頃五十四
畝四分四釐五毫共徵銀二萬二百三十八兩七分
九釐五毫共均攤丁匠銀四千一百九十兩五錢八
分一釐六毫遇閏共徵地閏銀五百九十兩六錢二

分二釐一毫又均攤丁閏銀一百六十兩二錢九分六釐

地丁共徵銀二萬四千四百二十八兩六錢五分零

遇閏加徵銀七百五十兩九錢一分零

每兩加耗銀一錢三分

起運 按 畿輔通志所載

每歲銀一萬五千九百二十二兩九分零

遇閏加銀六十一兩四錢二分零

存留 按 畿輔通志所載

每歲共銀八千五百六兩五錢零

遇閏加銀六百八十九兩四錢九分零

驛遞一歲統共支用夫馬工料雜項等銀五千九百兩

零三錢五分二釐於本州地糧銀內存留支給 遇閏加增

龍亭修理銀五錢

文廟修理銀十兩

文廟崇聖名宦鄉賢春秋二大祭銀四十兩

文昌帝君春秋二祭銀四十兩

關帝廟春夏秋三祭銀四十兩

社稷山川風雲雷雨城隍等神春秋二祭銀三十兩

無祀鬼神三小祭銀十兩

鄉飲二次酒醴銀十二兩

朔望行香紙燭銀一兩

時憲書銀三兩

本州知州俸銀八十兩

門子二名工食銀十二兩遇閏加銀一兩

皂隸十二名工食銀七十二兩遇閏加銀六兩

件作四名工食銀二十四兩遇閏加銀二兩

快手八名工食銀一百三十四兩四錢遇閏加銀十

一兩二錢

民壯五十名工食銀三百兩遇閏加銀二十五兩

看監禁卒八名工食銀四十八兩遇閏加銀四兩

驕傘扇夫七名工食銀四十二兩遇閏加銀三兩五

錢

庫子四名工食銀二十四兩遇閏加銀二兩

斗級四名工食銀二十四兩遇閏加銀二兩四錢

吹手八名工食銀四十八兩遇閏加銀四兩

舖司兵十二名工食銀七十二兩遇閏加銀六兩

更夫五名工食銀二十四兩遇閏加銀二兩

火夫十名工食銀四十八兩遇閏加銀四兩

壇夫二名工食銀十二兩

防夫四名工食銀二十四兩遇閏加銀二兩

滹沱河水手工食銀十二兩遇閏加銀一兩

孤貧月糧銀一百九十八兩遇閏加銀十六兩五錢

冬衣布花銀十五兩三錢九釐零遇閏不加

農夫二名每年銀十二兩遇閏加銀一兩

辦解本色芝蔴價銀一兩二錢二分三釐零

州判俸銀四十五兩

門子一名工食銀六兩遇閏加銀五錢

皂隸六名工食銀三十六兩遇閏加銀三兩

籠馬傘扇夫二名工食銀十二兩遇閏加銀一兩

吏目俸銀三十一兩五錢二分

門子一名工食銀六兩遇閏加銀五錢

皂隸四名工食銀二十四兩遇閏加銀二兩四錢

馬夫一名工食銀六兩遇閏加銀五錢

學正俸銀四十兩

訓導俸銀四十兩

齋夫六名工食銀三十六兩遇閏加銀三兩

膳夫二名工食銀十三兩三錢三分三釐零遇閏加

銀一兩一錢一分一釐零

門斗三名工食銀二十一兩六錢遇閏加銀一兩八

錢

廩生三十名月糧銀九十六兩遇閏加銀八兩

廩生貧士學田銀六兩六錢

貢生盤費花紅旗匾銀二兩五錢

會試舉人盤費銀六兩

會試膳錄書手盤費銀八兩

舉人坊價銀二十六兩六錢六分六釐零

進士坊價銀三十三兩二錢三分三釐零

武闈入簾公晏銀四兩

武舉花紅旗匾銀三兩三錢三分三釐零

武進士花紅旗匾銀六兩六錢六分六釐零
各項雜稅

當稅

房地稅契

牙帖稅

牛驢稅馬匹同

猪羊花布等稅

又代徵神武衛房地稅

以上各稅俱無定額例應儘收儘解年終另冊報銷

鹽政

趙州淨行銷引三千四百四十八引應徵課銀二千三百六十五兩二錢一分四釐鹽價每觔大錢二十三文復價二文加價二文現賣二十七文五縣現賣價同

柏鄉一千八百七十六引
隆平二千五百四十六引
高邑一千五百八十九引
臨城一千八百四十六引
甯晉四千六百五十四引

右節錄賦役全書及通志

風俗

相觀而化者風相習而成者俗要必有機焉夫趙舊稱慷慨有俠氣者又曰性多敦厚務農桑以今準昔若甚相懸然古意未盡泯也士崇信義恥奔競農務勤儉安耕鑿非愿樸忠厚之風猶有存焉者乎於此而因勢利導謹好尚以端其趨崇教化以正其範使趙人敦行誼樂名教文質得中歷久不變司風化者所宜急圖也

舊志曰古稱趙地多感慨悲歌之士漢書地理志云地薄人眾丈夫相聚遊戲悲歌慷慨蓋其時去平原

君高漸離未遠任俠之風人爭慕之寢以成俗其勢
然也觀隋志所云好尚儒術傷於遲重宋史亦云質
厚少文多專經術若是則趙之人士一變至道不有
足多者哉方今地屬畿輔德化霑濡彬彬師師庶幾
鄒魯但流俗尚浮屠好分異人不思遠家無素蓄好
勝輕生男女訟牒攘臂一呼易爲震動援公道以淆
是非其流弊有可憂者嘗聞諸父老云明成化宏治
間俗尚勤儉民多殷富男業種植女務織紡婚不論
財筵不尚華故家大族賑貧周急動以干計而無吝
惜可不謂有平原君之遺風乎今也不然一遇歉歲

雖在富室亦少奇羨他可知矣去奢就儉於趙之人
實切望之 刪訂舊志

士多寒素耕讀兼營安於家居不好遊謁經書務在
講貫子史亦多涉獵積學儲材科第不絕

農終歲勤動田疇開闢耕稼紡績比屋皆然老幼鮮
惰窳胼胝無虛日

工起屋舍造車輛水車製農器及日用所需之器具
無他奇巧

商賈業鹽典者皆異鄉人趙地則菽粟棉花轉販及
擔負之流無遠方貿易者

四禮俗尙

冠

士大夫家間行之民間久廢

婚

自媒妁通好至拜舅姑行廟見禮大畧從同惟親迎則薦紳士庶之家無不行之斯最近古至婚姻論財民間間有之巨室顯族東來往來而已其他聘儀奩具豐約不同各稱其家

喪

家無貧富凡力所能爲棺必具槨三日大殮延陰陽術士作鎮俗制也治喪賓來弔民間或延僧道薦亡士大夫家無用之者

祭

四時祀先無家廟祭於寢列歷代神主或畫祖考像於軸懸之清明中元十月朔相率墓祭夫墓祭非古也然塋域爲祖考體魄所藏躬埽治而肅拜瞻有仁孝之心焉其他頗無淫祀

四時俗尙

正月元旦五鼓初焚香燭祀真宰神及先祖男女各拜家長以次遞拜親友交賀畢遂拜墓 立春日

觀土牛 五日埽除穢土置門外曰送窮 元宵

賞燈火前後數日游行為樂謂散百病兒童唱秧

歌放紙鳶村落架鞦韆為戲 二十五日以灰畫

地作囿形中撒五穀壓以磚石曰填倉

二月二日以竈灰圍宅牆下辟除百蟲具鯉魚猪脯

饋新嫁女曰開素 春分釀酒

三月寒食清明墓祭焚紙錢培塋土 插柳簷上

穀雨書令禁蠟

四月朔日二十八日城內廟會男女多焚香禮神

五月五日貼門符食角黍戴艾葉婦女簪艾虎兒童

佩五色絲 五日前具角黍饋新嫁女

六月六日造麩儲醬

七月七日曝衣乞巧 十五日中元節燒地頭紙祀

穀神

八月十五日中秋節以瓜果餠餅供月親友相饋夜

飲賞月 十五日前具餠餅饋新嫁女

九月九日士人攜酒出遊登高

十月朔日墓祭剪紙為衣焚墓所曰送寒衣

十一月長至日諸弟子致禮於其師謂拜師與端陽

中秋節同

十二月八日以諸豆米雜棗作粥曰臘八粥 二十

三日以飴餠祀竈 歲暮多嫁娶 除夕換門神

貼春聯徹夜歡飲曰守歲

物產

記有之取財於地取法於天恆產之豐約風俗之隆
汚所由基也趙稱劇郡丁衝途土田腴瘠參半不宜
植稻五穀而外雜蒔吉貝近用水車灌田法歲收較
厚然勞費頗甚所入之餘利適足相償耳洩斯土者
軫閭左疾苦搏節而愛養之庶幾比閭和洽庶物蕃
昌擊壤鼓腹之休詎難再見於今日哉

穀屬

黍

有黃白二種黏者謂黃米亦謂之黃糯

稷

黏者為黍不黏者為稷

梁

粟也種甚繁北方曰穀脫殼謂小米日用不可缺者

麥 大小二種春種者曰春麥又有小麥無芒者

蕎麥 一作莠 秣 有紅白二種俗呼為高

菽 眾豆名有黃黑二種又有萊豆豌豆菹豆豇豆之

芝蔴 有黑白二種一名胡麻宜作油

蔬屬

韭 春初者佳

葱 緄輔舊志有四種曰凍

蒜 有紅皮白皮白皮者出南陽

芹 有園芹野芹水芹

菘 卽白菜

菠 卽菠稜菜一名赤根

蓴菜

蒿苳

蘿蔔 一名萊菔

山藥 本名薯蕷避唐代宗宋英宗諱遂名山藥

芥 一名辣菜又有春不老亦芥屬

蔓菁 一名蕪菁

菘菜

莧 有紅莧白莧又有馬齒莧

擘藍 南方謂之芥藍葉可擘食故北人謂擘藍

瓜屬

王瓜 長細者佳

西瓜 有黃瓢紅瓢二種

甜瓜 小而香者為佳

冬瓜 形大而長皮青帶粉色

菜瓜 色青質脆

南瓜

倭瓜 一名北瓜

絲瓜 架棚蔓生

瓠子

壺盧 本草古人壺瓠匏皆可通稱

茄 有紫白二種
水茄宜生食

秦椒

果屬

桃 李 石榴 杏 梨 棗 葡萄 櫻桃

花屬

牡丹 紫白二色 丁香 芍藥 海棠 桃花 李花

迎春 葵 荷 爾雅注北人
以蓮為荷 薔薇 月季 俗呼月月

木槿 玉簪 金粟 俗名萵苣蓮
亦名鶯粟 金盞 本名
長春 菊

種最繁 紫荊 紫薇 剪秋蘿 鳳仙 一名指
甲花

雞冠 萱花 牽牛 刺梅 即玫瑰 紅花 石竹

五香梅 木旗花

貨屬

棉 一名吉貝趙地種植甚多
宮保方制府進呈棉花圖疏冀趙深定諸州藝棉
者什八九產既富於東南而其織絨之精亦遂與
松婁匹計圖十有六布種灌溉耘畦摘尖採棉揀
曬收販軋核彈花拘節紡綫挽經布漿上機織布
涑染 棉布 柘油

草屬

麻 雄者為象
雌者為苴 蒲 葦 蘆葦通一物 艾 蒿 蓬

藍 染草可
作澱 莎 根即香
附子 苜蓿 可飼
馬 十樣錦 即老
少花

茅 蓼 莠 茨 馬蘭 萍 烟草

藥屬

車前子 即茺菑 益母草 即茺
蔚子 酸棗 蒼耳

菟絲子 薄荷 牽牛 枸杞 其根即地骨皮 香附子

茵陳 荊芥 瓦松 瓜萸仁 其根即天花粉 金銀花

扁豆 茴香 蒲公英 俗名步丁

木屬

槐 有絕大者一種曰龍爪槐 柳 楊 榆 又白榆一名枌其錢可食 松

柏 桑 桐有奇桐青 杜 椿 香者芽可充蔬

夜合 即合歡其花葉至暮即合

禽屬

雞 鶩 鴿 鴨 鵲 蠟嘴 即桑扈 黃鸝 即黃鳥

鸛 鷹 鷓鴣 黃雀 燕 鴉 烏鴉有白頸者名寒鴉

啄木 即鴛鴦 鳩 鴟

獸屬

馬 牛 羸 驢 羊 豕 揚雄方言豬豨豕因地異名 狐

兔 貓 犬 獾 鼠

蟲屬

蠶 蜜 方言謂之蠓蠅又有土蜂馬蜂 蟬 土人呼為螂蟬 絡緯 一名蟋蟀又名

促織 蛾 蚓 蝙蝠 蜥蜴 蝦蟆 即蛙 蝻斯

蜘蛛 螳螂 蟬 即蠹魚 蛇 蝎 蠅 蚊 蟬 蟬

蟾酥

魚屬

鯉
鯽
鮎
鮒

祥異 兵事附

善言天者必有驗於人祥異雖降於天抑由人事星
土之占雲物之書所以嚴修省也夫豐年爲瑞麟經
書大有年而水旱兵戎皆異也亦備書之觀洪範休
徵咎徵應於五事則弭災保祥其道必有所在矣德
教政刑之修司土者安可忽諸

南北朝

武定九年齊趙州蝨澇損田乃免其年租賦

廢帝乾明元年夏四月齊趙州蝨水傷稼遣使分途卹之
三年冬十月齊趙州水溢

四年春三月齊趙州水潦甚爲民害詔給下戶粟各有差
武平六年秋八月齊趙州大水

唐

太宗貞觀十八年秋八月趙州獻白鹿

長慶元年夏六月彗星出於昴長一丈凡十日見占曰昴
畢趙之分也趙地當有兵起踰月有成德軍之變

咸通十年熒惑鎮星太白辰星暈於昴畢

宋

乾德二年夏六月河北諸州蝗惟趙州不傷稼

天聖五年趙州蝗

景祐六年秋八月趙州嘉禾異畝同穎

元豐三年秋八月趙州平棘縣獻白鵲

九月趙州獻白鹿

九年秋八月趙州大水泛溢壞城郭

元

大德四年眞定平棘縣旱

至順元年秋七月平棘縣大風雨雹傷稼

明

嘉靖二十四年秋七月趙州等處災免今年田租錢糧七

分

三十九年趙州諸縣大旱蝗流移載道

萬曆三十五年趙州大水

崇正十三年大旱絕禾稼饑饉人食草根樹皮餓殍載道
十四年大旱瘟疫大行死者枕藉

國朝

順治四年蝗

十四年城壕產並蒂蓮

康熙三年彗星見

七年夏六月地震

秋七月初八日大水禾稼盡沒城郭損壞四鄉房屋漂泊

甚多巡撫甘文焜具疏

詔免本年錢糧捐金賑濟

道光二年大水

三年大水六月官糶米於大石橋賑之

十年四月二十八日大雨三日大水

咸豐三年七月十七日大雨七晝夜屋圯無算除夕大雪

明年夏麥秀雙歧

六年夏不雨蝗害稼

七年春蝻生

八年夏彗星見東北方燄長數丈經十餘夜始散

同治二年夏雞鳴不時九月桃李花

十年旱民多穿井溉田種棉者獲厚利

十一年壬申有年

十三年五月十八夜彗星見西北方長丈許

光緒三年三月妖術盛行割男女髮辮有死者多佩硃符

禳之

四年歲饑

九年七月二十五日大風雨傷稼

十四年戊子旱

十七年旱種棉者獲利

二十年七月七日大雨凡四晝夜河水氾溢

二十一年四月初三日大風雨凡兩晝夜屋圯無算

二十二年夏雹害稼輕重有差

二十三年丁酉有年

兵事紀畧

周

敬王二十有六年晉范吉射荀寅出奔齊師魯師衛孔圉

鮮虞人伐晉取棘蒲今趙州城南有棘蒲社以救范氏

二十有九年晉趙鞅圍邯鄲荀寅奔鮮虞趙稷奔臨在今趙州

十二月齊國夏伐晉取欒鄆會鮮虞納荀寅於柏人

安王二十有一年趙取魏棘蒲

二十有五年趙與中山戰于房子

顯王十有二年魏韓會於鄆今趙州柏鄉縣北

四十有五年中山負齊之強日侵趙趙城鄆拒之中山引

水圍鄆取之

赧王八年趙武靈王北畧中山之地至房子

三十有二年趙取齊昔陽今正定府藁城縣西南

四十年趙拔魏房子

五十有八年魏公子無忌用侯生計大破秦軍於邯鄲下

趙王以鄆為公子湯沐邑

東周君五年燕王使栗腹伐趙趙使廉頗擊之敗其兩軍

逐北五百里

周末諸國

趙王遷二年秦桓齮伐趙殺趙將扈輒趙以李牧為大將復戰

於宜安故城在正定府藁城縣西南秦師敗績趙封李牧為武安君

七年秦王翦伐趙下井陘趙使李牧禦之秦多與郭開金

使言牧欲反趙王使趙葱顏聚代之牧不受命遂殺之

秦王政十九年秦王翦大破趙軍殺趙葱顏聚亡遂克邯鄲虜

趙王遷秦王如邯鄲故與母家有怨者皆殺之王翦屯

中山以臨燕趙公子嘉自立為代王與燕合軍屯上谷

趙少元
秦

二世元年楚遣武臣張耳陳餘徇趙下趙十餘城乃引兵擊范陽

二年章邯擊趙破邯鄲張耳以趙王走鉅鹿王離圍之趙請救於楚楚以宋義爲上將軍項羽爲次將范增爲末將帥師救趙

楚漢

漢王二年陳餘聞田榮王齊乃使夏說往說榮假齊兵共襲常山張耳敗走歸漢餘收趙地迎代王歇復王趙歇德餘立餘爲代王留傳趙王使夏說以相國守代

漢王三年漢韓信張耳擊趙禽趙王歇斬陳餘於泜水上行定趙地

漢

高祖八月上擊韓王信於東垣過柏人趙相貫高等壁人於厠帝欲宿心動而去

漢淮陽王

更始元年故趙繆王子林以卜者王郎爲成帝子子輿與趙國

大豪李育張參等入邯鄲立即爲天子徇下幽薊移檄州郡於是趙國以北遼東以西望風響應

二年大司馬秀以王郎新盛乃北徇薊時耿況爲上谷太

守遣其子弇詣長安至宋子漢縣故城在今趙州會王郎起聞大

司馬在虜奴在今定州乃馳謁秀留署長安與俱北

大司馬秀北擊中山移檄邊郡共擊邯鄲留眞定進攻

元氏房子皆下之至鄆擊斬王郎將李暉至柏人復破

郎將李育育還保城攻之不下乃引兵拔廣阿耿弇以

上谷漁陽兵行定郡縣會大司馬秀於廣阿

後漢

光武帝建武元年夏六月蕭王卽皇帝位於鄆南改元大

赦

晉

惠帝永興元年太弟穎以和演爲幽州刺史密圖王浚後

又稱詔徵浚浚遂與鮮卑段務勿塵烏桓羯末及東瀛

公同起兵討穎穎遣王斌石超討之浚等擊破王斌敗

石超於平棘在今趙州

二年成都王穎旣廢其故將公師藩等自稱將軍起兵掠

趙魏

穆帝永和五年趙沛王充聞遵自立起兵討遵遵使石閔

禦之戰於平棘充兵敗被獲賜死

南北朝

梁大通元年北魏孝昌三年葛榮陷魏殷州按地形志魏殷州治廣阿

道州志 卷二 兵事 三

刺史崔楷死之

梁中大通三年

魏主恭普泰元年
主明中興元年

魏高歡起兵信都猶未

敢顯叛爾朱氏會李元忠逼殷州歡使高乾救之乾輕
入見爾朱羽生因斬之持首謁歡歡計遂決抗表罪狀
爾朱氏

冬十一月魏高歡立章武王融之子朗卽位信都自爲丞
相敗爾朱兆等於廣阿

唐

中宗嗣聖十有四年周遣武懿宗婁師德擊契丹懿宗軍
至趙州聞契丹將至冀州懼而南遁契丹遂陷趙州

十有五年突厥默啜圍趙州刺史高叡與妻秦氏不屈死
武后以帝爲皇太子河北道元帥狄仁傑副之

天寶十有五年郭子儀李光弼與史思明戰於九門敗之
進拔趙郡

德宗建中三年正月朱滔張孝忠與李惟岳戰大敗之趙
州降成德兵馬使王武俊殺李惟岳傳首京師

二月以張孝忠爲定滄州節度使王武俊爲恆冀團練使
康日知爲深趙團練使

夏四月朱滔王武俊反發兵救田悅寇趙州詔李懷光討
之敗績

秋七月神策行營招討使李晟自魏州引兵北趨趙州王士真解圍去晟留趙州三日遂與張孝忠北畧恆州

憲宗十有五年冬十月成德節度使王承宗卒弟承元以鎮趙深冀歸有司詔田宏正帥之

十一月赦鎮趙四州死罪以下賜成德軍將士錢

武宗會昌三年昭義節度使劉從諫卒其子稹自爲留後

詔諸道官兵討之諭鎮帥王元逵攻其邢洺磁三州元

逵聞命出師屯趙州拔宣嶓柵敗劉稹兵於堯山

昭宗大順二年李克用攻王鎔大破鎮兵於龍尾岡

在臨城西

斬獲萬計遂拔臨城攻元氏柏鄉李匡威引幽州兵救

之大掠而還軍於邢州

五代

梁太祖四年梁軍逼鎮州晉王存勗會周德威於石橋進

營野河之北

乾化元年春正月梁及晉軍戰於野河大敗

晉天福六年冀州刺史張建武等取趙州

宋

太祖建隆元年春三月定天下郡縣爲望緊上中下河北各縣定注有差

景祐六年賈昌朝請以鎮邢洺相趙磁各州爲正定府路

軍從之

徽宗宣和七年金人寇保州安肅軍

今縣屬保定府

不克旋圍中

山府知府事詹度禦之復攻慶源

今趙州境

師益南侵

欽宗靖康元年知磁州宗澤繕城浚隍治器械募義勇以

備金井上言邢洺磁趙相五州各蓄精兵二萬敵攻二

郡四郡皆應是一郡之兵常有十萬人也帝嘉之

高宗建炎二年防禦使馬擴等迎皇弟信王榛於慶源五

馬寨

在今贊皇縣東

遂奉榛總制諸山寨兩河遺民間風響應

元

順帝至正二十年田豐陷保定路賊陷趙州攻真定

明

此時趙屬正定凡史冊中言正定郡縣者趙郡皆在其中故悉採錄之

太祖二十一年秋遷澤潞民屯耕正定諸郡縣

景帝景泰元年少保于謙奏益正定等郡縣戍守官兵從

之

武宗正德元年流賊劉六劉七等寇掠正定郡縣

崇禎六年八月流寇屯元氏縣犯趙州抵甯晉左良玉躡

其後十一月賊乘天寒冰合率眾南遁

十五年井陘兵備楊汝經令正定壯丁屯耕甯晉

國朝

咸豐三年九月粵逆李開方吉文元等北犯自隆平柏鄉
擾及趙州州署悉被焚燬

同治元年叛卒宋景詩自獲鹿正定由城西南竄經大石
橋


二年三月馬賊在趙州所屬等處游駛滋擾村民頗被焚
掠高邑令畢世榕與賊戰於破塔村死之


六年梟匪肆擾餘孽數百餘人向隆平東南竄逸

七年正月捻匪張總愚號稱數萬由甯晉四芝蘭北竄勢

極凶悍知州劉錫穀舉行團練提督郭寶善劉松山等

輜重駐大石橋及城西蘇村郡城戒嚴





乙

中国书店
10册 25元

1955年11月